

武陵縣志卷十三

學校

按自漢武帝時令天下郡國皆立學校官置弟子員梁天  
監四年詔立孔子廟置五經博士立州郡學唐貞觀四年  
詔州縣皆作孔子廟宋慶厯四年詔諸州軍監各令立學自  
是州郡無不有學始置教授以經術行義訓導諸生掌其課試  
之事而糾正不如規者常郡之學在唐以上皆不可考其可  
考者府學自宋咸 縣學自宋紹熙耳謹叙其可考者於左

府學

文廟在府署西南一里前瞰大江創建歲月無考宋咸

八年郡守龔日昇鼎建堂齋規模略備

鍾董英碑記云今天子即位五年海內嚮

安人文蔚典庶幾化成之盛惟重湖以北詩書之韻聞有鬱而  
未暢者天子念常武故阜陵潛藩自二管而後聲容奕奕不墜  
一日朝丞相御史慨然曰子有臣日昇昔所親擢第一義學咸  
晚之有聲氣不法者撫柔此士舍之孰寄乃撰日下丞相出左  
符命之日昔守臣穎篆秀水斗門是以有玉帶河之號汝為同  
姓在即乃封敬哉既至寬征薄賦利害之事以罷以行人用不

武陵縣志

卷十三

父洞花水芷各有德色乃訪舊典乃崇學校乃堂乃殿乃廡乃  
門樓閣翠飛山川改色流祇發祥日月大異是歲捷南宮三人  
辟雍二人信哉人文貴

作興地靈貴宣發也

元延祐六年常德路達魯花赤哈冊改建正廟五間築石基環以

石欄為露臺為丹墀東西廡各十三間前為戟門左右為碑亭

為櫺星門濱大江築石櫃左為泮宮門翼以觀瀾朝宗二亭至

大三年哈冊復置大成樂

元史節翁記其事略云至大三年春郡監哈冊公拜命散騎大夫再鎮常

德會憲臣建言請以加封先聖大成詔書俾天下學校刻之於  
石符下公慨然進諸生曰夫子嘗曰樂則詔舞又曰放鄭聲今  
祀用俗樂非所嚴尊事也乃訪泗石考古擇今即學模治為特  
磬特鐘各一縣編鐘編磬各一肆琴瑟填笙各二行奏以管籥  
節以鼓鼓始之有祝終之有梧篋簞之設樹羽崇牙龍首璧嬰  
承以輕浮之鳧淺毛之獸氣象瀟古規制精密公又謂樂有器  
而聲無形搏拊合止高下節奏是必有師或謂往歲平遠趙公  
置樂於潭嘗以音律授之禮士張正宗廼書致幣延之於學籍



俊秀子弟四十二人教以凝安和之曲以下凡十三奏公日泣  
泮水載色載笑適觀厥成踰半載而春祀用戒宿縣上下有序  
質明將事曼音既作金奏乃宣歌聲樂聲交倡備舉鏗鏘繳釋  
入音克諧洋洋在上神若來格聽之者咸曰清矣哉澹泊而雅  
正和矣哉雍容而藝愉使粗厲嚙殺之意亡而齊莊易直之  
心生信乎樂之美善也竣事公謂蓋有以記之於是乎書

明成化五年知府楊宣立學門三間八年通判鄧察教授周鑑重

修構星門繪十哲兩廡賢像知府王績增置樂器宏治二年知

府卜釗通判姚綸等重修殿宇嘉靖六年知府方仕復修

其事略云常德楚西南裔郡山澤遼遠民風樸略我朝治化累  
洽文軌大同士皆知由吾夫子之教以淑其身百餘年來登甲  
科躋膺仕者踵相屬是惟學校作人之功也郡學構 頗宏麗  
廟亦觀深歷歲滋久材木低毀丹雘頽頽就頽墜觀者弗愜嘉靖  
丙戌初汝南方侯來蒞首謁廟升講堂周覽嘆曰是邦之民俗  
日易矣人文日著矣而廟學固若此曷以勸亟圖繕修以時俶  
擾不給越明年丁亥政理攸叙乃鹿物鳩工計為費若干皆不  
以賦諸民惟自籌畫及節縮稍食以辦棟榑梁桷板檻之腐黑

武陵縣志

卷十三

撓折者易之蓋瓦級蕪之剝缺者補之赤白之漫漶者位設之  
剝落者塗飾之閏八月訖工廟貌既嚴講習有托金碧粦堊崢  
嶸絢爛師生歌游於斯登降裸獻於斯咸克克乎如有得相與  
謂曰侯之功不可忘也蓋圖諸竊為學校之興替人才風俗盛  
衰之機也故伏恭興學恆山之民化之張忠定延獎儒類蜀人  
感頌不忘有以也侯治本於教境內淫詞必毀異端必斥而雅  
意於學焉其風吾人也至矣大書鐫石以昭不忘非過也宜也  
雖然君子所以圖報於侯者抑止不忘矣乎其必更相激勸以  
聖賢為必可學而至以良知良能為不待勉強而然綱常倫理  
身必由之禮義廉恥動必先之日涵月泳朝益暮習必使民俗  
之移悉歸於厚不為異說所雜庶乎 九年知府趙永淳奉制改  
於侯之教不負矣豈直不忘而已哉

文宣王號撤去塑像易以木主題曰至聖先師孔子神位四配

以下俱去舊號題木主曰先賢某子之位斥不應祀者二十人

增祀五人萬曆四十二年知府胡大年 增修龍膺記其事略云

如帶負陽山如屏捍之以善德派峰澗之以洞庭巨浸湖以北  
一都會也惟是學基肇自勝國我朝景泰宏治間敷事修葺



靖初補潤色之今圯頽極矣癸丑秋直指按部允博士諸生請  
會廉察蔡公巡按馮公各捐公緩千金而郡伯胡公毅然以興  
起斯文爲己任首捐百金爲倡又奉巡祭馮公檄移修圍堤奇  
羨充之乃檄廣文郭君謙暨照磨邵氏大倫督其事鳩工庀材  
匠石畢集杞梓中繩榱桷具備而棟樑尙待適有香桂浮辰沅  
而下沿泗鼎水之涯圍十丈長數倍之江人鮑中元聞諸郡伯  
勅所司驗實以報大喜曰天昇以棟樑之材異日當有勝棟樑  
之任者卽命以爲梁其他栝栢霞蒸葵撩綺錯圻墁丹雘堅好  
精良櫺監軒墀豐碩宏遠仍於廡之左右隅爲所者四曰陳設  
日收支日造鑿日器庫於櫺星門之內爲廳事者二俾釋菜者  
於焉進盥於焉易衣而博士著齋諸生習舍無不噲噲言言以  
十計之拓而新者七仍而葺者三煥然偉哉吾郡之學鼎甲湖  
湘矣郡伯檄博士帥諸弟子抵不敏膺請碑不敏方謝客著書  
屏居隱墅然躬閱盛舉樂紀厥成乃記之曰不敏膺郡產也郡  
稱武陵始漢初至宋爲常德軍尋陞常德府國朝因之膺常學  
詩矣大雅常武美南征也鄭氏箋曰有常德以立武事然詩云  
匪紹匪游不留不處此行師之常於德何有又考小雅六月美  
北伐也則曰文武吉甫萬邦爲憲夫武則武事文則常德而於  
燕喜也乃曰侯誰在矣張仲孝友然則孝友者其常德與百行  
本原舍此奚以郡多士業生聖明之世遊聖人之門其務春而

武陵縣志

卷十二

合學學於斯秋而合射射於斯詩書禮樂以爲業射御書數以  
爲文庶無負常武之義由是進而升於天子之廷人人張仲人  
人吉甫斯克稱常德儒哉○按以龍膺修圍堤碑記及舊志述  
修圍堤處証之此次修學實在天啟元年乃此記稱癸丑爲萬  
曆四十一年與舊志述修府學處符合其修縣學  
志與記亦然皆與修圍堤所稱不符未知孰是

崇正五年推官陳之龍十三年知府潘士彥 尋燬

國朝順治十六年知府王來慶鼎建正殿並兩廡戟門康熙六年

知府胡向華鼎建櫺星門凡前功未竟者悉落成焉未幾櫺星

門圯六十一年知府胡忠本補修乾隆五年知府王志遴加修

戟門易七爲五 中三間爲戟門旁兩 二十八年知府李文在建

鐘鼓樓於露臺東西五十年教授易文基重修櫺星門並頌宮

門 修鐘鼓樓及此次修 又於學宮戟門前東西砌墻直抵城垣

明皆揚文才董其事



以禁往來人行嘉慶五年鼎建大成殿較舊加高加廣次及雨廡戟門崇聖祠名宦鄉賢祠明倫堂皆行改造至十五年知府應先烈始葺工

崇聖祠 本名啟聖祠嘉靖九年知府趙永清建於明倫堂東

崇禎 祠祀

國朝順治十六年知府王來慶重修之雍正元年改啓聖祠爲崇聖祠乾隆元年知府高綱改建祠於大成殿後明倫堂基上而以祠原基爲明倫堂

名宦祠舊在學東順治十六年知府王來慶移建戟門左嘉慶五年重修之

武陵縣志

卷十三

四

鄉賢祠舊在學東順治十六年知府王來慶移建戟門右嘉慶五年重修之

忠義祠舊在崇聖祠西今在戟右鄉賢祠旁

靈聰祠舊在東

明倫堂舊在大成殿後上爲尊經閣下爲明倫堂元延祐六年達魯花赤哈喇所建

國朝順治十六年知府王來慶加修乾隆元年改建於大成殿東北而以舊基爲

崇聖祠

尊經閣原在哈喇所建明倫堂上藏書十二部四書大全易經大



經大全書經大全春秋大全禮記大全性理大全資治通鑑朱子綱目大學衍義孝經小學後皆散佚

國朝頒發十三經註疏全部十二廿一史全部五十明史一部二十

日講四書二部各二周易折衷二部各二書經傳說彙纂二

部各二春秋傳說彙纂二部各二性理精義二部各二未子全

書二部各四孝經註一部通鑑綱目一部唐宋文醕一部

淵鑿古文二部各四四書文二部各二綱目三編一部四

理義疏一部共書二十六部俱藏教授署中

敬一亭在大成殿東內藏程子四箴並明世宗御製碑文

鼎文閣在郡學東南傍城為基初元哈冊建咏歸亭於府學前石

武陵縣志

卷十三

櫃上高二丈餘明初改為南薰樓不化把萬歷

間郡人楊時芳又改建鼎文閣督學董其昌題額國朝乾

隆二十二年知府耿興宗重修高閣三層改為鼎陽樓時楊文

斗董其事十二年改為奎星樓咸豐六年知府葆亨重修改今

泮池在學西周圍八十五丈

滌牲池在學東鼎陽樓北

牌坊在滌牲池北乾隆元年知府高綱鼎修同治二年知府孫翹

澤重飾之額改近聖人居

卧碑在明倫堂內初宋大觀元年詔布周官八行八刑之法於學

宮淳祐六年御書白鹿洞教條頒示各學皆立石後廢明洪武



二年既詔天下立學遂令禮部鑄石謂之卧碑後亦廢  
國朝順治九年

欽頒學校教條訓飭士子刻石明倫堂謂之卧碑恭錄於左

朝廷建立學校選取生員免其丁糧厚以廩餼設學院學道學  
官以教之各衙門官以禮相待全要養成賢才以供朝廷之用  
諸生皆當上報國恩下立人品所有教條開列於後

一生員之家父母賢智者子當投教父母愚魯或有非爲者子  
既讀書明理當再三懇告使父母不陷於危亡

一生員居心忠厚正直讀書方有實用出仕必作良吏若心術  
邪刻讀書必無成就爲官必取禍患行害人之事者適以自殺

武陵縣志

卷 十三

八

其身當宜思省

一生員不可干求官長交結勢要希圖進身若果心善德全上  
天知之必加以福

一生員當愛身忍性凡有司官衙門不可輕入卽有切己之事  
止許家人代告不許干與他人詞訟他人亦不許牽連生員作  
証

一爲學當尊敬先生有講說皆須誠心聽受如有未明從容再  
問毋妄行辨難爲師者亦宜盡心教誨毋至怠惰

一軍民一切利病不許生員上書陳言如有一言建白以違制  
論黜革治罪



一生員不得糾黨多人立盟結社把持官府武斷鄉曲所作文字不許妄行刊刻違者聽提調治罪

教授署在明倫堂東創建歲月無考

訓導署原在滌牲池上乾隆五十一年建於節孝祠西北向

學基前至城垣後至大街左至謝墻右至杜姓磚墻四面方正並無偏斜內

有佃屋二十間

學田 一坐落仁豐村土名靈官冲二十畝四分六厘一毫二絲六忽大小共四坵一坐落上冷村土名河泊橋一百九十畝五分二厘五毫一絲六忽大小一百二十五坵一坐落長樂村土名唐家溶七十七畝三分二厘二毫六絲六忽大小四十六坵一坐落新陂村土名浮家坡七十畝四分二厘六毫六絲大小三十四坵一坐落永南村土名士橋湖一十九畝八分二厘五絲六忽大小二十六坵一坐落趙塘觀二十五畝九分五厘五毫一絲二忽大小五十五坵一坐落永北村土名大

武陵縣志

卷十三

坡坪十七畝三分五厘八毫一絲五忽大小四十三坵一坐落進溪村名黃土坡五畝六厘二毫大小三坵一坐落新陂村土名秦家溶六十四畝五分四厘大小三十九坵

貢士庄在府南宋太守袁申儒以所籍沒民田為之供貢士過省之費已失其處

生員額數初明洪武十五年定府學四十人州學三十人縣學二

十人日給廩膳仍免其家差徭二丁洪武初令廩食月米六斗魚肉鹽醢之類皆官給二

十五年定宣德十年增廣生員如正額而不給廩謂之增廣生

正統元年令有司僉與膳夫二名十二年於廩增之外復選俊

秀附學肄業謂之附學生成化十三年定提學官躬歷各學督

率教官化導諸生仍置簿考驗其德行優文藝瞻治事長者列上等簿或有德行而劣於經義



或有經義而短於治事者列二等簿或經義優治事長而德行  
闕者列三等簿若平日屬託公事或捏造歌謠興滅詞訟及敗  
倫傷化過惡彰著者不  
必品其文藝卽行革退

國朝定制常德府學廩膳生員四十人

原額庫銀二百八十八兩  
膳夫一名額銀二十兩順

治十四年裁廩銀一百九十二兩裁膳銀一十三兩三錢三分  
三釐又共除荒銀一十一兩五錢二分八釐該實銀九十一兩  
一錢三分八釐又該補荒銀一十一兩五錢二分八釐實計廩  
生每名係銀二兩五錢六分六釐九毫○歲貢花紅旗匾酒席  
實銀一十五兩五錢三分九釐又膳夫實銀五兩九錢一分八  
釐俱赴龍陽縣庫支領又膳夫實銀五兩九錢一分八釐赴桃  
源縣支領又膳夫實銀五兩九錢一分八釐赴沅江縣庫支領  
錢一分八釐赴沅江縣庫支領增廣生員四十人附學生員不  
拘額數每三年之內歲科兩試於四縣應試生童內撥入二十  
名爲附學生由附學生試列優等者補廩膳生缺補滿卽補增  
廣生缺增缺亦滿無可補雖列優等仍作附學生廩生挨次歲

武陵縣志

卷十三

十

貢一人爲歲貢生十二年選拔二人爲拔貢生每逢歲試又於  
四縣應試武童內取入武生二十人每逢鄉試文武生員已錄  
科者其盤費花紅酒席銀同武陵縣學生員赴武陵縣庫支領  
銀數見武陵縣學

武陵縣學文廟在府署西北隅宋紹熙二年知縣林夢英創建

九

淵記其事云彝倫在人惟天所命良知之端形於愛敬擴而充  
之聖言所以爲聖哲也氣有所蒙物有所蔽於是爲愚爲不肖  
彝倫敦而天命悖此君師之所以作政事之所以立是故鄉舉  
里選大比以興賢能所以陶成俊髦將與共斯政事也學校序  
序之間而其切磋講明者可以舍是而他求哉易之窮理窮此  
理也故能盡性至命孟子之盡心盡此心也故能知性知天學  
者誠知所先後則月異而歲不同誰得而禦之若迷其端緒雜  
施而不遜是謂異端是謂邪說後世之士有志於古然而苦心  
勞身不爲之日休而爲之日拙者非學之罪也其所從事者非  
古人之學也武陵舊無學縣旁有勝地地有故基蓋昔有欲遷



府學於是而不遂者今縣幸林君夢英出故基於燕翳之中而創學焉氏學之首役無異民家之爲既成規模宏宏大遂成武陵狀觀則林君之政可知矣予於是乎記 宏治十八年知縣應能以歲久圯大新之

又以附郭不設祭春秋做釋菜禮羊一豕一三十六年知府黃

口敬又修廟廡戟門櫺星門 蔣信記其事云武陵學由來舊矣厥廟之圯延緣於嘉靖丙子之歲

大敞於己酉辛亥之間榱桷毀敗風雨凌轢神座之前不可灌獻觀者良盡心焉惟時太守黃先生壺淙來代謁廟即惕然不寧歎曰是何以謁虔妥靈厥責在予詎可尚諉諸時歎哉數月得公羨百金乃卜日興事始於廟次及東西廡又次於戟門櫺星門敬一亭去其朽惡易之堅好飾之丹雘凡十日而告成蓋起嘉靖壬子之春至冬而訖工焉道林子觀於斯日壺淙公其信夫子之徒也與始泚篆即旌孝友正鄉飲諸凡振作時雖孔歉亦爲之夫發於不能已則先生之心謂其即孔子皇皇春秋救一世塗炭之心非耶夫使諸生觀於先生而自省其得於天而壞於習者皇皇焉修而復之亦無異於先生自修自靖發於不能已之幾則其心獨不可謂即太守先生之心亦即先師孔子之心矣乎學師生聞之喜曰是足以永侯之聞矣遂請而饒

武陵縣志

卷十三

諸石以萬曆四十二年知府胡太年知縣李可柱復加修飾 龍

記其事云武陵故郡名今以名首邑則郡學爲常德而此專爲邑學矣學基創自宋之紹熙初嘉定間修之我明張侯子源構殿三楹爲左右廡者四既湫且隘嘉隆以來稍稍修葺者補頽者飾未聞埤而拓焉癸丑仲秋邑多土上其事於直指公得請郡伯胡公偕李侯經理規度心力畢殫大成殿拓三爲五始尊嚴矣從祀廡拓四爲十二始宏敞矣若祠若堂若亭若櫺星匪徒備制卑者崇隘者拓而樸者亦既華矣時首事於去年仲秋之哉生明考成於今年仲秋之下浣博士暨諸弟子亦援郡例請碑於不敏乃爲之記曰夫武陵因郡名更曰常德亦曰常武而今邑專其名予既以二雅之旨表郡學矣雖然請更罄其說武陵於郴爲旁郡新城三老遮說漢王編素爲義帝服而討羽此漢得天下之機括漢王錫以嘉名曰義陵美德也當非常世故而惟綱常是敦不亦毅然武哉予竊謂即武即義即義即常無二德也乃南史列傳易孝友爲孝義若曰義必以孝根之而孝則靡所不義友特孝之餘矣求忠於孝自古有明言其忠於漢也見義其不怵於楚也見武是遵何法哉蓋本由衷之孝以移之耳矧士爲民之表也倡孝弟以爲百行之原而忠義實從此出治亂一稟於道出入不悖其倫文武弛張惟吾所用豈



不可氣於天下也乎雖然猶有說焉夫建學明經所以造士也  
尊儒崇祀則又以勸士也我明此典甚嚴濂洛關閩而後僅以  
薛文清魏恭簡而邇年以王文成陳公甫二公請久之乃定吾  
邑蔣實卿冀惟乾兩先生並理學大儒而易名從祀之典至今  
未舉不敏竊謂兩學中當各建一鄉大儒祠祀事蔣冀兩先生  
此亦良有司事應謹書於此以爲異日地志私淑焉 按記言  
魏恭簡乃魏校也明時詔從祀四爲薛瑄胡居仁王守  
仁陳獻章若魏校並未與從祀之列記言不知何據

國朝康熙八年知縣黎上材鼎建大成殿廣袤如舊址高加二尺  
復建櫺星門三間乾隆十年知縣翁運標加修兼建鐘鼓樓二  
座後又漸圯五十八年鼎建大成殿高廣視舊加四之一

崇聖祠原在明倫堂後乾隆三十八年移明倫堂於崇聖祠東祠  
乃居大成殿後

名宦鄉賢祠雍正十三年始建於戟門左右乾隆五十八年重修

武陵縣志

卷十三

十三

名宦

漢應奉馬援李進宋均馮緄陸康魏鍾離牧吳黃蓋晉應詹齊  
劉峻胡處立梁樂藹唐溫造崔嗣業劉禹錫李翱李璣宋潘美  
劉摯李綱張浚岳飛史方師頑薛居正張鑑程昌寓劉愿張運  
王樞李燾周必大袁申儒曹彥約林文仲趙善佐桂萬榮李秉  
懿龔日昇唐介胡翔卿劉龜年林夢英元蘇天爵何琦倪德政  
苗益元哈冊明馬汝舟張子俊孫確楊宜李煜王瑩歐陽詢葉  
朝陽蕭騰鳳張師繹錢夢松陳志明鄔鼎龍智幾先陳之龍徐  
必學應龍馬升階洪有復祝傑潘旭熊永昌應履平宋縉王績  
馮傑胡宗朱佑廖佩郭聳周臣劉纓方仕陸邦常道日敬陸州



阮文中稽都高昂姚孳張琮

國朝洪承疇吳璵丁思孔郭

世隆額倫忒彭而述郎永清趙申喬李發甲沈華應先烈

鄉賢

虞善卷宋管師復丁易東明馮貴翟霖文澍陳良陳策鄧崙劉

環龍岑姜輔冀元亨陳洪謨楊礪蔣信陳仲錄龍翔霄柳東伯

唐景龍德孚唐相商書譚憲唐鍊姚學閔馬應祥於文徵丁應

賓胡順華陳一德陳一能陳思育陳可登龍膺王佐胡友德胡

承順楊時芳唐子達唐紹堯楊鶴楊嗣昌楊齊芳楊鴻楊鶚楊

山松唐誠 國朝胡統虞唐祚培劉昌臣劉體安楊超會陳

養元文鵠趙慎畛

武陵縣志

卷十三

三

忠義節孝祠在學宮旁 烈女節婦祠在學宮旁

按忠義節孝二祠舊建在黌牆

內尙未加 制今依通志 錄載所祀姓名俱見人物志

明倫堂原在大成殿後乾隆三十八年改於崇聖祠東

尊經閣在明倫堂後舊閣久圯嘉慶三年鼎建

敬一亭原在明倫堂西南明嘉靖九年知縣馬負圖建久圯

泮池在櫺星門前萬曆四十七年主簿林喬椿以玉帶河水過濁

不可入泮池乃於泮池外鑿爲玉帶河引其水左繞學宮而北

出秀水斗門泮池之水以潔

國朝乾隆十年邑紳楊健等建石欄圍之六十年改修圍牆

教諭署在文廟東康熙八年教諭吳瑾鼎建



訓導署在文廟西創建歲月無考學基前抵城後至大街至

國朝

乾隆二十六年又拓前營箭道舊址東西廣一

十一丈南北袤四十六丈五尺左右有池其界前至街後至城

垣東至堤西至長壽菴牆

附耿興宗武陵縣學址城北城創自宋紹

熙間我朝康熙中提軍移駐斯郡而前營專操之所取就北  
城隙地實與廟學密邇每較閱屆期張卷而往聯騎而馳伐鼓  
春鉦震動滋懼邑人士言後營久裁操軍地現間空可移建余  
聽其請邑人士爰出貲採購木石銀鑿並夫匠傭直餽費一時  
咸集又增買民廬撤而崇其門用以便官兵出入起工於今夏  
四月十三以五月初八日告竣而前營練軍得所矣其前營現  
廢箭道悉歸作學地左右闕池一區環池植樹以游以泳可濬  
可培而武陵學匪但還其舊觀抑且啟其日新之象矣稽古司  
徒掌教而有發則教士以車甲司馬掌政而造士則辨論官材  
成周六卿分職未嘗不通而論秀詰戎績可互奏斯舉殆符斯  
義士苟釋古者廟學並重之遺意益濯磨於聖教化澤之中則  
所以成就而登進者將不難度越前美矣予又於邑人有厚望

武陵縣志

卷十三

十四

焉是為記

學田

一坐落永北村土名王家塢二十六畝一坐落進陽村土名

灣牛陂二十四畝一坐落上東村土名鄭公廟一十八畝一  
坐落萬金村土名萬金坡三十六畝一坐落楓林村土名發旺  
橋十畝一坐落趙塘村土名張家橋十畝零一分一坐落東江  
村土名張家  
堰堤十七畝

生員額數廩膳生二十名增廣生二十名歲科兩試各取附學生

二十名歲試又取入武生十五名廩生三年貢二人拔貢生十

二年選一人

原額廩銀一百四十兩膳夫二名額銀四十兩順

錢六分六釐又其除荒銀六兩八錢八分七釐該實銀五十四  
兩四錢四分六釐又該補荒銀六兩八錢八分七釐實計每名  
係銀三兩零六分六釐五絲歲貢花紅旗匾酒席銀原額以二  
年一貢為率每名係銀一十八兩今三年二貢每名係銀一十  
三兩五錢內除荒銀一兩五錢一分六釐五毫實係銀一十一  
兩九錢八分三釐五毫每逢鄉試年文武生員已錄科者盤費



花紅酒席銀同府學生員赴武陵縣庫支領共銀一百二十兩  
至會試新舊舉人武陵以十二名為率每名長夫銀二十四兩  
共銀二百八十八兩  
後因捐輸增廣學額歲科兩試永續七名

朗江書院在府學後乾隆十六年知府雷暢知縣李際隆買地拓  
基建講舍共捐銀八千七百五十兩歲以息銀為薪俸膏火之

資嘉慶十七年知府應先烈又倡捐銀三千二百兩後又有生  
員陳耀南捐銀三千兩經粵寇亂費本悉蕩然知府葆亨與惲

世臨措復之半其舊

附書院田數鹿角坪田四石零一升竹陂  
田十七石七斗四升陳家溶馬家溶左

家偏田九石六斗支家冲田十一石八斗喬家塆田七石九斗  
五升姚田坪楊武冲田五石二斗三升蕭家塆黃花井謝家塆  
田四石三斗泉塘觀田十一石五斗  
賈家坪四十里鋪田一石一斗六升

社學明景泰時建城內四坊有四所每學立教讀一人選耆儒為

武陵縣志

卷十三

之

石壇精舍在府東一里黃龍坡宋丁易東建以授徒並捐已田贍  
其廩餼

聞山精舍在府城西門內明邑人楊禩建已廢

高吾精舍在府西高吾山下邑人陳洪謨建

桃岡精舍在府東關外明邑人蔣信與諸弟子講學處

實蹟錄云  
桃花岡郡

東勝地也先生致仕後從遊日廣因於岡前鑿池左堤右橋中  
建講堂學舍買田廩學徒其中距池又餘建石坊門人請鐫桃  
岡書院先生不可乃請湛若水手書桃岡精舍四字後執政奏  
除天下書院而桃岡以精舍存講堂後有樓曰大觀聯云行詣  
至誠無物忌心通元極有神居又云身在山林閑似鶴心無塵  
土靜如瀾又云江湖廊廟分憂樂廣大高明自性情旁築臺為  
亭聯云清風明月人三個池上亭中酒一杯皆先生筆也先生  
又有桃岡卽事詩云鶉笠藤蓑此寄眠鶯啼花發重今年旋栽



敬惜堂在青陽閣

松桂樹千本閒和滄浪詩百篇勝客每慚攜酒過佳晨空負看  
溪還何時計取青蚨足買個支蓬鳴脚船其安貧樂道之風已  
可想見時講學近干人學舍莫能容先生歿易講堂為祠壇前  
建大門龍翔霄額曰蔣道林先生祠聯云一溪萍藻下秋澤萬  
點桃花百舸岡每春秋仲次丁祀先生以門人唐相龍  
德中鄒元標等二十五人配康熙初祠宇猶存後皆廢